

Na Castelloza

"Mout avetz fach lonc estatge..."

Molt avetz fach long estatge,
Amics, pos de mi·us partitz;
Et es me greu e salvatge,
Car me juretz e·m plevitz
Quez als jorns de vostra vida
Non acsetz dompna mas me:
E si d'altra vos perte,
M'avetz mòrta e trahida,
Qu'avía en vos m'esperança
Que m'amassetz sen̄s dubtança

Bèlls amics, de fin̄ coratge
Vos amei, pois m'abelhitz,
E sai que fach ai folhatge,
Que plus m'en etz escaritz
Qu'anc non̄ fis vas vos ganchida,
E si·m fasetz mal per ben̄:
Be·us am e no m'en recre;
Mas tant m'a amors sasida
Qu'ièu non̄ cre que benenança
Puòsca aver sen̄s vòstra amança.

Molt aurai mes mal usatge
A las altr̄s amairitz
Qu'om suòlh trametre messatge
En motz triatz e chausitz.
Et ièu tenc me per garida,
Amics, a la mía fe,
Quand vos prec, qu'aici·m cove;
Que·l plus pros n'es eniquida
S'a de vos qualche abundança
De baisar o d'acoindança.

Mal ai ièu, s'anc còr volatge
Vos aic ni·us fui camjairitz,
Ni drutz de negun̄ paratge

Per me non fo encobitz;
Ans soi pensiva e marrida
Car de m'amor no·us sové,
E si de vos jòis no·m ven
Tost me trobaretz fenida:
Car per pauc de malanança
Mòrt dompna, s'om tot no·lh lança.

Tot lo maltrach e·l dampnatge
Que per vos m'es escaritz
Vos fai grazir mos linhatge
E sobre totz mos maritz;
E s'anc fetz vas me falhida,
Perdon la·us per bona fe;
E prec que venhatz a me,
Despuòis quez auresz auzida
Ma chançon, que·us fatz fiança
Çai trobetz bèlla semblança